



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno 483. Usque Ad Annum 561.

**Fleury, Claude**

**August. Vind. [u.a.], 1759**

**VD18 90117824**

§. 60. Viri Sancti in Gallia.

---

[urn:nbn:de:hbz:466:1-66066](https://nbn-resolving.org/urn:nbn:de:hbz:466:1-66066)

rei copiose suppeditarentur. Abbatem Sæculum VI. A. C. 558.  
 ibi creavit, S. Doctroveum, suum olim in Childeberty obitus.  
 Monasterio S. Symphoriani Augustoduni  
 Discipulum, quem secundum Regulam  
 S. Antonii & S. Basilii instituerat. Eccle-  
 sia illa necdum dedicata fuerat tempore,  
 quo Childebertus Rex gravissimo morbo  
 decumbebat. Id contigit circa finem  
 Mensis Dec. cum multi Episcopi & Opti-  
 mates Festa Domini Natalitia cum Rege  
 celebraturi Parisios advenissent. S. Ger-  
 manus hac occasione usus Dedicacionem  
 cum Episcopis sex decimo Cal. Jan. per-  
 egit, omnia Altaria ad honorem Sancto-  
 rum, ut memoravimus, consecrans. Chil-  
 debertus Rex eadem die e vivis abiit 23.  
 Dec. anno 558. Regni sui 43. Sepultus  
 est in hac ipsa S. Vincentii Ecclesia, atque,  
 peractis Dedicacionis Cæremoniis, nulla  
 interposita mora Regiæ Exequiæ secutæ  
 sunt. Præter istud S. Vincentii Monaste-  
 rium Rex Childebertus Nosocomii in  
 urbe Lugdunensi, & Monasterii viro-  
 rum in urbe Arelatensi Fundator extitit,  
 donavitque fundum S. Calai. Ad eri-  
 gendum Monasterium, quod hodieque  
 ipsius Nomen gerit.

§. LX.

*Viri Sancti in Gallia.*

Sanctus Calais seu Carilefus natus in Ar-  
 vernia, atque in Monasterio Menatis  
 C c c 5 educa-

Sæculum VI. educatus, illud cum S. Avito reliquit, ut  
 A. C. 558. se Disciplinæ S. Maximiani prope Aure-  
 liam habitantis subjiceret. Inde ambo in  
 solitudinem Regionis Perchiensis digressi,  
 & Regis Childeberti Munificentia adjuti  
 construxerunt Monasterium, quod hodie-  
 que a S. Aviti Nomine dicitur, sed illud  
 jam Moniales incolunt. Post hæc S. Ca-  
 rilefus in Territorium Cenomanense tran-  
 ssiens, ejusdem Regis Beneficiis auctus fun-  
 davit Monasterium in ripa amnis Aniso-  
 læ, hodie Anillæ, unde nomen primo for-  
 titum est; verum posteriore tempore  
 hæsit Nomen S. Carilefi, qui circa annum  
 540. ad Cœlestia migravit. Monasterium  
 istud Mulier nunquam intrabat, nequi-  
 dem Ecclesiam, quod illis temporibus non  
 insolens erat. Ecclesia Gallica honorat  
 plures alios Sanctos Viros, qui illa ætate  
 solitudinem Perchiensem & Cenomanen-  
 sem incolebant. His S. Lomerus seu Lau-  
 nomarus, S. Almerus, S. Frambaldus a-  
 liique minus noti accensentur.

*vid. Hist. S.  
 Ben. liv. 2.  
 c. 30.*

*vit. ap. Ant.  
 Domin.*

Rex Childebertus ultimis vitæ annis  
 retinuerat in Urbe Parisiensi S. Ferreolum  
 Episcopum Uzetiensem, de quo malam  
 suspicionem conceperat. Res vero ita se  
 habebat. Accusatus fuerat Vir Sanctus  
 quod sæpe ad Judæorum convivium acce-  
 deret, & dona iisdem ferret; nempe spe-  
 rabat se ista comitate hos homines Jesu  
 Christo lucrari posse. S. Ferreolus Pa-  
 trem

trem habebat Ansbertum Senatorem, qui genus suum ducebat ab altero Ferreolo, olim Galliarum Prætorio Præfecto. Anno 553. S. Firmino Propinquo suo Episcopo Uzetiensi successit, atque elapso Bienio relegatus est Parisios, ubi annis tribus mansit. Rex vero, quamvis eum custodiri jussisset, honorem tamen exhibebat, & tandem cognita Viri sanctitate etiam muneribus cumulatam dimisit. S. Ferreolus ad suos reversus Judæos in sua perfidia obstinate remanentes non modo e Civitate Uzetiensi, sed etiam e tota Diœcesi ejecit.

Sæculum VI.  
A. C 558.

Idem Vir Sanctus fundavit Monasterium a Nomine ipsius dictum, deditque eidem Regulam, Lucretio Episcopo si inscriptam, quam ipsius Judicio subiciebat. Lucretius Bodani Monachus fuerat, & S. Marii Abbatis Discipulus. Monasterium illud in Diœcesi Segestronensi positum, hodie est Prioratus, qui Bevona dicitur, Insulæ-Barbæ subjectus. S. Ferreolus in Regula sua præcipit, ut omnes Monachi litteras discant, & Psalmos memoriæ imprimant, nequidem illis exceptis, qui ad custodiendum pecus exeunt, ut nullo non tempore vel lectione vel opere manuum exercentur. Qui agrorum labores ferre non possunt, scribant, retia conficiant capiendis piscibus necessaria, aut calceos. Venationem Monachis

Cod. Reg. to. 2. p. 116.  
S. Ferreolus.  
vit. Mar. ap. Boll. 27.  
Jan. Et to. 1. Act. SS.  
Ben. p. 105.  
c. 11.  
Regula.  
c. 19.  
26.  
c. 28.  
c. 34

Sæculum VI. nachis prohibet. Interulas lineas non  
 A. C. 559. induant. Abbas Monasterii mancipium  
 manumittere non possit, nisi omnes Fra-  
 tres consenserint. Inde dispicimus, fuisse  
 c. 31. ipsis Servos. In Monasterio Baptismus  
 c. 36. non conferatur. Hæc mihi in Regula S.  
 c. 15. Ferreoli memoratu digna visa sunt. Etiam  
 aliquos Libros Epistolarum, Sidonium i-  
 mitatus, composuit, & usque ad annum  
 581. superstes fuit.

§. LXI.

*Pelagii obitus. Joannes III. Papa.*

Regem Childebertum hac vita defun-  
 ctum brevi secutus est ad alteram Pe-  
 lagius Papa, nempe secunda die Martii  
 anno 559. cum S. Sedem occupasset annis  
 tribus, & Mensibus decem. Duabus Or-  
 dinationibus Mense Dec. creaverat Pres-  
 byteros 26. Diaconos 9. Episcopos 49.  
 Successorem habuit Joannem III. cogno-  
 mento Catellinum, Filium Anastasi, illo-  
 rum ex Ordine, qui Illustres dicebantur.  
 Sedit annis ferme tredecim. Pelagius  
 Papa extremo vitæ tempore Ecclesiam SS.  
 Apostolorum Philippi, & Jacobi ædifica-  
 re cœperat; hanc Joannes Papa perfecit,  
 multasque ex veteri Historia Res gestas  
 partim opere vermiculato, partim peni-  
 cillo exhiberi curavit. Eandem etiam de-  
 dicavit; unde, conjectura est, consuetu-  
 dinem prima die Maji amborum Apосто-  
 lorum Festum celebrandi traxisse origi-  
 nem

*Lib. Pont.*

*ed. de 6. ar.  
 n. 4518.  
 coll. 1. Maji.  
 p. 28.*